



Broj: 12-11-15-1634/21
Sarajevo, 23. 6. 2021. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i preporuke Komisije za provođenje postupka nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2021. godinu, putem otvorenog postupka nabavke (obavještenje o nabavci broj: 296-1-1-18-3-14/21 objavljeno na Portalu javnih nabavki 17. 5. 2021. godine i sažetak obavještenja o javnoj nabavci objavljen u „Službenom glasniku BiH“, broj 30/21 od 21. 5. 2021. godine), date u Zapisniku o pregledu i ocjeni ponuda broj: 12-11-15-1246-7/21 od 21. 6. 2021. godine, generalni revizor donosi

ODLUKU

o izboru najpovoljnijeg ponuđača za nabavku kompjuterske i uredske opreme za LOT 1, LOT 2 i LOT 3

I

U postupku nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2021. godinu, putem otvorenog postupka nabavke, Ugovorni organ donio je odluku o izboru najpovoljnije ponude ponuđača:

- za LOT 1 – Memorija za servere – ELUR d.o.o. Kiseljak,
- za LOT 2 – AP (Access Point) za nadogradnju bežične WIFI mreže u područnom uredu – PING d.o.o. Sarajevo
- za LOT 3 – Multifunkcijski štampač/kopir/skener/faks A4 monohromatski laserski – C-Servis d.o.o. Sarajevo

II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14), Odlukom broj: 12-11-15-1246/21 od 10. 5. 2021. godine, pokrenuo postupak nabavke kompjuterske i uredske opreme putem otvorenog postupka nabavke za potrebe Ureda za reviziju institucija u Federaciji Bosne i Hercegovine za budžetsku 2021. godinu.

Postupak nabavke je podijeljen na četiri lota: LOT 1 – Memorija za servere, LOT 2 – AP (Access Point) za nadogradnju bežične WIFI mreže u područnom uredu, LOT 3 – Multifunkcijski štampač/kopir/skener/faks A4 monohromatski laserski i LOT 4 – Multimedijalni projektor sa dodatnom opremom.

Obavještenje o javnoj nabavci, broj: 296-1-1-18-3-14/21 objavljeno je na Portalu javnih nabavki 17. 5. 2021. godine i Sažetak obavještenja o javnoj nabavci objavljen je u „Službenom glasniku BiH“, broj: 30/21 od 21. 5. 2021. godine.

Komisija za provođenje postupka nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2021. godinu imenovana Rješenjem generalnog revizora broj: 12-11-15-1246-1/21 od 10. 5. 2021. godine, provela je postupak javne nabavke u skladu sa Zakonom o javnim nabavkama i podzakonskim aktima te sačinila Zapisnik o otvaranju ponuda od 18. 6. 2021. godine, Analitički prikaz traženih i dostavljenih dokumenata - Kvalifikacija ponuđača broj: 12-11-15-1246-6/21 od 21. 6. 2021. godine i Zapisnik o pregledu i ocjeni ponuda, broj 12-11-15-1246-7/21 od 21. 6. 2021. godine u kojem je konstatovano:

Na protokol Ugovornog organa pravovremeno su pristigle tri ponude i to:

- za LOT 1 – ELUR d.o.o. Kiseljak,
- za LOT 2 – PING d.o.o. Sarajevo,
- za LOT 3 – C-servis d.o.o. Sarajevo

Za LOT 4 nije bilo dostavljenih ponuda.

Na osnovu pregleda dostavljenih dokumenata u odnosu na dokumente i zahtjeve tražene tenderskom dokumentacijom, utvrđeno je da sva tri ponuđača ispunjavaju sve navedene zahtjeve i da su kvalifikovani za izbor najpovoljnijeg ponuđača.

U predmetnom postupku javne nabavke Ugovorni organ predvidio je provođenje e-aukcije. Članom 3. stav. (3) Pravilnika o uslovima i načinu korištenja e-aukcije („Službeni glasnik BiH“, broj: 66/16), propisano je: „U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.“

S obzirom da je u predmetnom postupku nabavke Ugovorni organ primio jednu prihvatljivu ponudu za LOT 1, LOT 2 i LOT 3, ima se primijeniti citirana odredba Pravilnika, te se e-aukcija ne može zakazati.

Komisija je u Zapisniku o pregledu i ocjeni ponude predložila odgovornoj osobi Ugovornog organa da u skladu sa članom 69. stav (1) tačka (a) Zakona o javnim nabavkama ugovore dodijeli: za LOT 1 – memorija za servere ponuđaču ELUR d.o.o. iz Kiseljaka, za LOT 2 – AP (Access Point) za nadogradnju WIFI bežične mreže u područnom uredu ponuđaču PING d.o.o. iz Sarajeva i za LOT 3 - multifunkcijski štampač/kopir/skener/faks A4 monohromatski laserski ponuđaču C-Servis d.o.o. iz Sarajeva, jer su njihove ponude jedino pristigle za nevedene lotove, a koje je Komisija ocijenila kao prihvatljive.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku:

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 10 (deset) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- ELUR d.o.o. Kiseljak
- PING d.o.o. Sarajevo
- C-Servis d.o.o. Sarajevo
- u spis predmeta nabavke
- a/a

